

卷
施
閣
集

卷施閣詩卷第十五

陽湖洪亮吉著

關嶺衝寒集

八月十五夜

蠻方今夜月兒女集樽前迢遞思鄉國團圞欒敞客筵塔
光雲外隱菱角雨中牽不寐緣何事相將話昔年

十六夜雨

闌干沉不見都在雨聲中細霧吞簾白孤花隱幔紅半
街籠畫燭一笛引涼風正好臨流坐寥寥爽氣通

秋日登城南甲秀樓訪鄂文端公紀功鐵柱

層樓設重扁事罕與俗接芳洲歷春夏送客偶陟躡節

序慨已移青林半黃葉雙橋通梵剎三面俯城堞攝履
偶上征裘裳畏深涉豐功緬疇曩往事稽故牒銷金清
四野立石表三捷勳名旣鷹揚文史復漁獵丹方初奠
定黃閣藉調變俯仰跡已陳苗蠻志猶懾叢祠扉乍展
荒徑露還浥詎止攬勝心孤懷濟時業

九日偕富尚書綱馮侍郎光能重至甲秀樓登高

菊已衰黃柳尚青更尋芳杜出前汀殊方再值重陽日

候館欣聯五使星

是日送點中兩主司北上

諸葛廟旁開石舫伏波

灘畔訪金銘惟公志業差無愧十五年來邊徼寧

富節愷

點已十五年

徐太守日紀餉菊數十盆因結作花龕并邀同人共賞

卽席賦謝太守

十日苦雨三日晴秋老已覺無歡情打門有客送花至
一笑紅紫紛相迎來鴻去燕無消息剩得山籬日啁噴
攤書堂北日猶長人與花枝共高格衝寒花性昔所諳
斗室合作藏花龕重重簾幕夜難放勾取殘月來花南
秋堂夢好偏能醒看足花魂抱花影寥寥風味許誰參
不稱醅醪稱清茗醒時看花倦卽眠人意花意交相憐
君不見紅塵十丈官道邊誰有清福來花前

沈太守丙招集寓齋賞菊

三間古屋如浮槎靜掃四壁懸秋花局門不出究何事
却與此花商位置質簪三寸截作瓶刳腹滿貯寒泉清

高低花色誰能省恍若銀河瀉星影一花前頭酒一盃
客若不飲花徘徊酒傾十斛花千朵醉倒倩花扶客坐
三更以後客較狂月影花影催浮觴君不見花前五客
皆濡首花意未知嫌客否從花乞假亦可憐明日閉門
須病酒

嘉杜軒公讌

嘉杜軒初構今看一再來霞從雲外落花向雨中開夜
已侵三漏狂猶酌百杯主人留客摯籠鳥亦徘徊

馮刺史克鞏招集七研齋

窗前葉葉芭蕉雨坐上沈沈簫管聲不是主人情較重
醉眠誰遣到三更

入坐先教飲百壺簾鉤影裏燭花粗狂來合被時苗罵
蔣濟頭銜是酒徒

題篇已擅沈休文頌酒仍須劉伯倫謂坐中沈太守題明
日馬頭西北去醉顏還剩十分春

自新鋪至永寧

馬上尤愁撲面風坡陀百折誤西東初晴也識朝陽淡
添得千堆野火紅

山南山北路嶙峋只隔蘆花便絕塵削壁四圍溪半折
野鷹盤處定無人

安南抵安姑作

幾日西風撲面吹濛濛尚有柳絲垂鳩方逐婦天偏霽

馬到安姑路轉危渴思乍拈籬畔橘閑心還讀道旁碑
山程紅燭誰相迓却喜前邨月半規

將抵南籠道中作

羊場驛外千山亂一郡如巢突天半藍輿百折入郭門
細水中分兩峯斷高低半日坡難上斜處却留行客館
尤愁馬瘦蹄應碎不覺役疲肩屢換居然一巷深如井
對面樓臺若居岸如龍松柏競瞰城幸有女牆高處判
已看日沒繁星景難得雪天揮雨汗雙旌早駐前山麓
一屋尤爲衆峯冠徘徊纔了且賦詩百尺龍山作吟案
南籠試院卽事

衙齋高處逼浮屠天半樓臺落日孤雲氣大都紅似火

居人多半黑于烏城隅尚隔三層嶺樹杪驚看四出途
也識搏獵饒瘴厲怕從直北展輿圖

十八先生墓

按南籠府志明桂王由榔自廣西至貴州孫可望處
之安籠所四年無人臣禮從臣吳貞毓張鐫周允吉
楊忠徐極蔣乾昌李元開李頤朱議臬鄒允元趙廣
禹蔡續易士佳胡士瑞朱東旦任斗墟等憤甚與內
侍張福祿全爲國謀遣之滇南諭李定國共圖可望
事洩皆爲可望所害時人哀之收遺骸葬于城外西
山之麓題云明十八先生成仁處自是桂王復入于
滇蓋

國朝順治五年事也

七千里路接蠻鄉十八先生併命場絕勝瀛洲唐學士
就中寧有許高陽

縣中樂府十二首

賽神謠

山腰十數家屈指無百人樹頭營危巢云以祀土神前
門飄風後門雨偃仄半間神乏侶村女纔燒一瓣香社
公腹內秋蛇語

打虎謠

斑斑猛虎文彎彎水牛角牧童騎牛來乘便虎欲撲虎
憑爪銳牛角尖兩兩轉回來山巖腥風沾林血粘草虎

卧病創俛出禱

起龍謠

黔中怪底淫霖注石腹龍藏不知數閒來龍穴看起龍
頭大如瓮聲疑鐘晴天亦覺風雷湧百步龍堂陷如冢
排林牧馬莫不收日盼生駒得龍種

網魚謠

上山忙下山緩花深深波滿滿踏波不須耶儂衣正將
浣腰肢不怕春波濕村樹陰邊裏衣脫沿回半晌卽出
波八幅裙拖鯉魚出

漏天謠

東黃平西普定十驛雨中行不竟有時雲際露日光萬

戶爭曝泥衣裳。蠶山萬疊愁霖透。不說天荒說天漏。老翁自詫八十年生日未逢晴正晝。

跳月謠

一年中好時節。前中秋後元夕。錦袂碧當胸。羅裙紅染血。蘆笙吹徹人欲還。眼波一瞥即上山。上山亦識儂心切。天際黑雲來罩月。

摘蔬謠

厨中苦無鹽。盤內久無肉。幸喜一方田。青青菜畦足。山家食料常如此。瓜蒂深黃茄色紫。筠籃挑滿手暫停。牽得樹梢紅柿子。

采茶謠

今晨儂獨來昨暮歡未過
製得憶歡歌沿山采茶去春
慵不嫌歸路遲茶藍枕首
眠少時村花滿頭紅未放胡
蝶一雙釘額上

宴客謠

男行欲成婚女行欲出嫁
團團茅柴筵纔把生客迓石
臺却有八尺長東西南北
羅酒漿座旁誰牽牛一隻黃
犢離村亦爲客

嫁女謠

十五愁嫁遲十三欣嫁早
嫁女雖十三偏愁歡已老山
羊十角米百擔嫁女不惜
傾家財歡來牽儂儂不宿却
抱黃羊水邊哭

織錦謠

阿娘理紅絲阿妹理彩綫竹閣止一間織絲看四面眼
波時向郎邊瞥十指纖纖化工出春禽怪底齊上樓織
得一堤花欲活

曳纜謠

上官來役夫走百板雙繩齊在手上山居前下山後排
頭雨汗揮不停鬚上都插山花馨生苗出語真無緒官
好牽他上天去

自南籠至新城道中病酒

一程纔了日平西遠近同巒望欲迷渴馬縱蹄尋野水
閒禽展翅曝山泥節臨長至猶餘燠天入南荒漸覺低

慙愧故人知病酒滿盞黃橘早封題

新城行館獨坐

獨坐竹軒內冷冷夜欲分半窗斜入月空徑靜生雲病
酒宵餐減拋書吏牘勤同儕知欲至隱隱馬嘶聞

小病

小病初除偶自思料應不及少年時酒能忤客先宜減
墨欲磨人漸不支婦解藥方參服食兒通選學付鈔詩
君親一例酬難盡閑處齋心懍四知

三味塘道中

一帶坡隨馬首東記程今夜宿波中敲殘石虎尋雲母
見慣山羊類雨工傍屋種松隣地窄冠厓營閣與天通

寥寥橘柚今餘幾留伴楓林鬥晚紅

自高伍塘至安姑宿

高伍塘邊渡隙河緩程不覺夕陽過人疑夸父西追日
路識安姑北下坡白首僧從初地出茜裙苗憶仲家多
桑間三宿真成戀況復頻聞子夜歌

自安姑抵安南道中

界首塘東路復驚情懷真耐雨闌珊無魚偶作經旬客
多虎全荒一縣山捲地黑風迷鬼管排天紅葉出禪關
安南令尹驚相訛走馬來偏走馬還余往還此縣皆騎
馬以避三四坡老

鵝關
諸險

范公子學敏讀書倉廨索題

伏波能聚米上蔡亦監倉移作攤書地真成避客方
水泉朝瀹茗石鼎夜焚香落月諸峯好玲瓏影上床

自保甸塘望盤江對岸諸山半日行尚未到感而有作
半程誰識路途修百折巖坳尚未休只有鳥飛偏逕直
往來曾不礙雲頭

侵曉渡關嶺

之字山程卅字樓昨宵剛值月當頭一聲雞唱出門去
小市夜燈猶未收

松櫟爲屏石作壇罡風吹袖覺衣單相看即是青天上
莫更頻歌蜀道難

去歲三月自安順按試南籠道過安莊花事甚盛今復

經此則秋林盡搖落矣感而賦此

安莊汎北路頻又使節重來感歲華依舊野羊眠道左
半林紅葉替春花

歲暮懷人二十四首

袁大令校

清福能消四十年老來仍作地行仙居然手筆空千古
隨分頭銜寫一編縣或頭書或醕候補知縣書不拘江南知名
士竟須依作主美人聞已放歸禪存亡舊例都參破生
輓詩鈔萬口傳

錢少詹大昕

燕吳楚越路偏長

君官京師余在里中及君服闋友人
延修浙中志余亦自楚中歸前得相

見十載纔申一瓣香絕業竟傳齊稷下此翁何似魯靈
光奇搜秦漢碑無缺例校金元史獨詳我亦誼應參北
面淵源寧止丈人行

畢尚書師

時緣事降撫山東

全湖南北節初移

聖主優容俾近畿五斗未能除薄俗兩旬聞已昧先幾
右才每搆千間厦左宦仍披一品衣

兼勦巡撫此日汲

公難卧治九州分半入封圻

勦迤北迤南及迤東諸

處又兼育也豫
徐三州地也

錢通判維喬

相識寧論行輩先爾來久已訂忘年早傳吏績人呼佛

晚避詩魔自學仙百種盡除留盡癖幾時重與枕書眠
勸君歸後余纔宦面目多應愧此賢

王侍郎昶

聞聲卅載苦相思孤露同看母作師援霍從軍憐早歲
蓴鱸歸計惜衰遲眼前事業千頭橘身後才名萬首詩
一卷苦爭君記否三條官燭校文時

盧學士文弼

文格蓬萊賦紫微罷官依舊苦長饑六經校後真無誤
七十行來尚若飛雅苦俗儒嗤狗曲閒謀隙地築漁磯
草元亭在雲溪上除却侯芭問字稀

君自言主講常州三年能請益者惟

臧鑑堂
一人

卽侍讀晉涵

苦憶餘姚卽夫子授徒却待勘經回館下謙石經國史二

殊師肯啖公羊餅綴穀絕業誰營爾雅臺憶共五陞

連榻佳也同六郡校文來謂在宋筭河先青山回首應

惆悵斷送高張幾許才謂方瀚黃仲高陳誨張

屠刺史紳

案牘如山目已迷趁閒偏欲逞篇題縱官刺史無千石

却學君卿有十妻好友總拋蠻嶂外全家憶住小湖西

斯居名何時共泛南歸棹卧聽溪禽自在啼

李太守廷敬

五載欣看歷四州清郎出守最風流曾登祕省稱前輩

重到蘇臺感舊遊
愛客自拈金縷曲
迎人多上木蘭舟
吳閶風月梁溪酒
可憶人居天盡頭

法祭酒式善

翰林詩格冠詞場
屢改頭銜作漫郎
左手書應成絕技
苦心詩已入中唐
兩番冑監遷官速
百本名經選佛忙
館課藝選同我愧枚公賦情拙
莫將疎陋玷班揚

管侍御世銘

積歲機庭苦未閒
昨觀除目與開顏
青驄早避鮑司隸
溫樹難言孔博山
作賦十年推老宿
爲郎十載冠清班
也應寫寄爭臣論
好待昌黎出使還

趙舍人懷玉并酬入直見懷之作

舍人入直題牋日驄馬南行按部時
明嚴濬學御史却
憶紫微廳北路聊吟紅杏驛中詩
鄉園漸喜田除稅餘
開二頃入京後皆爲主者贖去
兄弟都驚鬢有絲遮莫
善愁兼善病得閒須復强支持

王學博吉士

誰是南宗與北宗阿兄城北弟城東
穿籬却有三間舫
入市頻驅五尺童
產破中人憐沈駱
宰迎上客說孫洪
瘦羊博士今何處
薄宦聊應似轉蓬
君尚未補缺
惟東西署事

楊大令倫及令弟煒

迎春橋北放生池猶憶平生訪舊時
門巷一雙前進士
家風五葉老經師
藏花席上看君醉
君拙于問字
堂邊

待我遲同在龍城書院肄業羯未封胡俱下世謂大令偉伯兄簡及仲弟端從弟燦

牖不愁君不鬢添絲

汪明經中

不敢隨車試大廷頭銜真許號明經人言蠹目同荆尹
自詡龍頭壓管甯喜讀楚書排釋氏慣餐劣藥異修齡
狂來更頌東陵跖君有狐歟之手勞瘁牋寫作屏

陳軍門大用

識字何須五石弓昇平儒將最謙沖爭看隨陸司兵籍
無復伊涼唱土風江國別來饒艷句海氛清後寡奇功
軍門只在于花內好買鱸魚門酒筒

汪助教端先

卅載閒情不自持蕭疎今已鬢添絲纔看薄宦拘平子
多分揚州誤牧之我欲共參山水月人傳三絕畫書詩
年來苦憶梅花館開徧南枝到北枝

孫比部星衍

早入承明侍從廬爲郎莫更嘆紆徐經時偶斷船官獄
何日同乘使者車郭芳藥詩成本事鄭櫻桃室作安居
奇寒可憶茅山夜兩客同驅一蹇驢

張檢討問陶

西蜀奇人作冷官青氈猶剩十分寒何妨日住蓬萊頂
不改常餐苜蓿盤子美數間吟舍窄涓于一石酒腸寬
金釵典盡眉常歛欲畫仍須拂鏡看

君篤于
伉儷

呂學博星垣

卅載詞場志已灰
狂名猶被世人推
好奇欲破古今格
傲俗肯交中下才
不覺一官餐苜蓿
依然十幅寫玫瑰
年年避債君尤窘
曾與同登百尺臺
西年除夕君繼
儼城東嚙經臺

訪君劇
談竟日

王孝廉芭孫

人言風貌太酸寒
那識詞源萬斛寬
吳下早聞呼短李
禁中久已識詩韓
傳經帳後縑雙疊
君以續寫韻軒前
墨數丸誰似阿儂
夫婦好賣琴錢少
減晨餐

楊州守芳燦暨令弟觀察揆

家山百里望堪通
君住溪西我水東
兄弟才名吳二陸

宦途階級漢諸馮射美身手知還健

君前守伏羌城入

蜀詩篇詡最工我在黔中七千里寄書應趁石尤風

左大令輔

當時踪跡最清閒繞屋梅花自掩關千首早摹梅處士

一官今傍謝家山緣知小弟才尤捷可識袁宗客未還

謂黃仲則

好讀書應舉屬至君觀中詩在廣東余腸斷廿三年上事黃公壚在

白雲灣

莊公子遠吉

兩載何因滯故鄣一鞭聞已入咸陽多金結客家頻破

廣柳藏人事已忘狂甚竟聞呼彥國貧來先欲弃姬姜

何時硯壘澆應盡與築糟邱醉百場

續懷人詩十二首

紀尚書昀

子雲筆札君卿舌當代無人可並論直閣新銜同掌院

首淵閣開先生曲臺故事號專門研心十載讎皇覽快

意千篇續瑣言謂五所著說只我最饒知己感下春官

第枉高軒先生主甲辰會試余試卷最爲所賞欲首擢

六首有云萬紫千紅競花海冠春

江布衣聲

家傍要離尺五墳布衣七十甫名聞因題刺字摹秦篆

君生平未嘗作楷書爲愛尚書詈古文生世未嘗知鮑

謝學徒差喜得芭蕉君自少至老從未有授館者近忽

以閱音亭長今同調辨機州一樣欵寄不人羣

家編修梧

機庭綸閣兼詞館十載勤趨朶殿東家世我慚稱大阮

制科人已比三洪

君兄弟三人皆以書人比之鄒陽

三洪名試得全拋舊

業因廉史

饒紹人樸出守順德清

合譜新詞寄阿翁

人填詞兩樹櫻桃一樽酒風懷閑日與誰同

管漕督幹珍

早歲清名滿石渠東南久已駐輶車漕巡江餉數程不

異官鄉郡十省今看領國儲嚴檄早清飛輓路閒心

時復故人書堂開依舊塵凝坐爲有耽吟習未除

方上舍正澍

家本新安客上元半生知已得隨園工愁五十偏無恙
避俗三旬竟不言手筆捷如錐脫穎肩輿行比鶴乘軒
梅花百本局門住尚厭朝來鳥雀喧

徐太守大榕暨從弟縣丞書受

二十年前契最深鳴珂南巷酒時斟阿兄作吏能強項
小弟裁詩學嘔心七子才名虛擬議一家官爵竟升沉
篝燈倘憶初逢處只惜秦州宰木森徐初識縣丞時方
今州守聞
已下世

唐少府軼華

中河橋左廟溝西老屋三間戶最低蠟屐每思穿巷過
粉書時復到門題卑官已屈陶彭澤佞佛何如孟會稽

一事至今忘未了謝家園裏有鶯啼

宅後

章進士學誠

鼻窒居然耳復聾頭銜應譽老龍鍾未妨障麗留錢癖

竟欲持刀抵舌鋒

君與江明經中議不合幾至揮刃

獨識每欽王仲任

多容頗譽郭林宗安昌門下三年住一事何嘗肯曲從

君性剛鯁居梁文定相公寓

州三年取爲相公所嚴憚

蔣少府廷耀暨令弟上舍馨

君增十歲稱齋長我後三人作學徒

外家兄弟五人逃

塾早曾窺睥睨背燈時欲學吟唔樓扉敞覺書聲脆紙

仿描驚字跡粗重向講堂尋舊事桂花零落杏株枯

莊縣丞寶書

夢來阿嬰竟無徵從時有夢生君五十驚看白髮增詩社早

參三健守

子詩集中與蔣太守熊昌徐太守大裕及從

書名誰似兩尊丞

君書法與蔣縣回車尚憶南皮飲未

夏訪君河

歸艇同尋北寺燈

指庚戌荒徧外家廳畔路

竹梯邪斷杳難登

馮戶部敏昌

早向長安門酒盃之秦之楚屢追陪一官止抵傳經席

五嶽都成避債臺

君以避債出都此日最推長句好名

山曾步後塵來

已酉春余北上扛道遊王青松兩樹花

千本頓使先生笑口開

在都日屢同諸

姜廉使開陽

憶自蠻鄉入

帝都舊營池館日荒蕪三層閣上簾虛掩萬里橋邊水

亦枯

泉署有萬里橋

搜篋雅知廉吏窘

時甫謀復道員

持杯誰念酒

人孤何憾早逐西飛雁

謂君所善歌者喜兒

爲問先生記得無

福公相康安自全蜀移節滇黔近聞已抵威寧寄呈四首

烏撒山川界蜀滇遠勞上相復行邊拜公鄧禹年三八

鑿空張竊路萬千左道更須嚴折石偏鑪誰敢鑄浮錢

時辨理大盜邪教兼清釐錢法

旁人莫羨頭仍黑

國事辛勤已久肩

束髮爭傳命世才相門出相著風裁何妨早日登三省

已覺奇勲塞八垓兩度廣陽看飲至頻從絕域受降回
朱轡玉節雍容甚分野星明接上台

昨傳使節入秦關威望先馳壓百蠻三萬里踰星宿海
八千人上賀蘭山偏裨盡注通侯籍掌記猶分侍從班
方太常惟甸揚侍讀却笑燕然地猶近實公容易勒銘
揆近日皆曾臨幕府

還

外臺何幸接班聯溫語頻番荷報牋一刺記投通德里

典戊夏公自兩廣率安南國王入十年久領大羅天欣

數余時新入館曾謁公里第陪節鉞來荒徼敢向蓬瀛說散仙幾度自慙文思拙欲

將簪筆頌凌烟

安平行館見梅

輕裘覺暖寒猶淺峻嶺初平路轉又獨坐小窗斜日裏
膽瓶風折一枝花

衙齋十詠

貴州學使公廨最湫隘乾隆癸巳今大學士孫公士
毅視學此方始于其後積土爲堂名曰近山然屋止
三楹不足以資燕息余抵任後復于堂西隙地築屋
十數楹或高而爲臺或曲而爲塢或因樹構屋或臨
溪製軒竇僚屬詠之暇昕夕讀書恒于此焉開歲將
報滿入都爰分詠十截句以貽後之來者云

官廨各占山

貴州官廨自巡撫以下各此但與山近最

惟學使署在平地

此但與山近最

喜開北軒寥寥發松韻

堂後與東

右近山堂

獨坐思話軒孤吟悵無侶幸有黃栗留時來伴人語

右思話軒

筑中山最高況復據山頂披香夜半開東西眺星景

右千葉蓮臺

春來樓檻外百卉盡攄紅欲別風花味香生萐幾叢

右紅香館

屋仿江南船聊住江南客所苦一百旬孤篷雨如織

右聽雨篷

日坐此閣中著書愁未了窗櫺三面陰綠徧卷施草

右卷施閣

蠻中金粟花三歲偶開一方牀夢醒時婆娑滿窗月

右金粟山房

惡木旣已鋤篋簪植千个只有問字人時穿竹中過

右修竹廊

無日不讀書無日不晨起開牖看啟明濛濛鵲聲喜

右曉讀書齋

天無一日晴地覺四時暖持此養寸心潏然春氣滿

右藏春塢

曾孫用懃校刊

卷施閣詩卷第十六

陽湖洪亮吉著

蓮臺消暑集乙卯

乙卯人日早登黔靈山

扶雲入山門一壁削天半青松三百樹直上寡曲榦危
厓嵌樓閣懸處鐵索斷開軒同客話響與禽雀亂窗紗
裂盈尺臘雪尚堆案僧延繙佛藏石懣鼠驚窺雲光開
半郭下視起烟爨東西萬家屋驛道復中貫一徑促下
山藤枯屢縈絆嶄巖生對面欲下削如岸風寒砭肌骨
坐處裘屨換忍凍舌本強輿丁尙揮汗

回途自郭外東轉至雪厓洞小憩

危橋背郭幾人家石徑東西路轉斜清淺溪山浮曉日
冥濛樓閣散棲雅閒身乍嬾非關病春氣原馨不繫花
一帶壁龕藏古佛幾回欲與論年華

十五日立春

元夕春百年少日月食皆逢卯鴉聲愁鵲聲喜兔申頭
虎曳尾雷憑憑電光掣春朝風元夜雪

二十日送客久憩圖甯關

黃塵飛百尺樓上馬蹄聲道古高于屋山奇逼若城關
軒春睡足窺逕晚烟生莫更留行客勞勞尚半程

二月初六日偶成

春雲黯黯飛一城城角缺處花枝橫風吹折枝供膽瓶

不向樹上賤其生烏烏角聲吹不停憶昨夜過三千兵

山陰美酒黃百瓶傾耳欲聽苗蠻平

時銅仁苗匪滋事巡撫以下並領兵

觀羣公花下來駐旌醉過寒食兼清明

初十日侵曉至龍場

銀燈影外星初落一山開雲矗樓閣冥濛花氣不知名
十里曉風浮絳萼花前鶯語聲猶澁花底春衫著疑薄
晴光艷艷鋪郊甸青氣茫茫注巖壑馬頭回處客亦驚
却值曉暎紅出郭

阿江汎道中

一山途四出曉日正當頭好鳥背人立清泉擇地流霧
歸僧閣暗雲出寺門浮牛晌沿林走偏忘路阻修

杏花一絕

屈指好春惟二月稱心小閣却三層多應獨夜愁無侶
來向書窗惹客燈

十九日出城東門看花至芳杜洲作

只有尋芳興未闌閒排僻徑出層關淡紅十里杏花路
淺碧四圍楊柳山夢好尚憐春思冷塵飛時望捷書還
征東將士應無恙何日先平板楯蠻時銅仁逆苗
尚未授首

曉發龍場

二月氣尚寒蟄蟲尙未啓冥濛菜甲花飄黃十餘里南
瞻黃盡處一綫日初起人家依竹木分半住坡底東風
灑然來綻此桃與李宵露濯滿枝浮香出垣裏寒鳩蹲

屋角兩兩鳴未已一晌雨復來高原忽如洗

延江道中

桃花已全紅李花未全白翩翩馬上人高比花逾尺初
陽才出樹紅紫相映射花梢度人影花底紫馬策西顧
殘月痕冥濛淡無色沿溪離落好風定爨烟直香氣不
可名交飛蝶如織

早渡延江

蠻鄉居已久不復知蠻中蠻水一彎綠蠻花千樹紅蠻
人如飛禽舉足能蹈空但覺雲四飛眼底青濛濛倏忽
下萬山驚流盪心胸青綠瀆一堤撲此睂宇濃解纜語
未完舟已當水衝中渡驚語聲我僕留岸東蒼蒼鷓鴣

羣送客飛逆風

將至螺堰塘

白雲埋西山雲破花一谷花光接雲氣交處香斷續沿
山行十里稍覺展地軸高下極水田參差萬畦綠波流
縈折處臺榭亦回復溪魚能入市驚筍穿石腹日午飯
已香幽人候茅屋

養馬塘道中

延江及播州山勢忽平易坡陀騎馬入逼仄始見地衡
門兩下屋構製亦微異曲巷分數門平堤溢川氣連岡
西北展斜與碧天際居人汲深泉百級盤石砌雲容間
梨杏稍覺天宇膩一頃黃花風牛羊下山細

曉發遵義四十里鋪

濛濛雨不停十里天尚黑春塘白鷺絲寒傍梨花立
沿溪數十家斜左窗並啓風遞人馬聲吹笳入雲裏
遵義試院

二月春光好幽尋使院西草迷僧室暗花壓步攔低馬
病離槽立禽閒擇樹啼樓前小家巷時聽殿衝泥

二月晦日使院小樓看桃花

長水捷書當可達

銅仁逆苗開已進
鄒尚未得實信

播州春雨不能晴

山圍城郭常時暗花發簾櫳徹夜明精舍未妨勤課士
羸官聊願與談兵如掾紅燭燒何事樓上閒來酒獨傾
試院小樓獨坐柬嵇太守承孟

風光多在小樓西無數山雲壓檻低與客生疎惟燕剪
背人開落有棠梨酒逢地主慙中戶君蠶札報天兵過
五谿時得福公相書言已早晚捷書來郡閣春融拚共
醉如泥率黔兵入辰沅門矣

曉發遵義

深淺山坳內時浮一樹花白猶零露雨紅不見人家澗
水碧千玉雲光薄似紗面西樓閣好翻恨路東叉

八里水塘道次

十日雨始晴高原鬱春氣連山亘南北濃綠漲天地斷
嶺一以開花紅亦無際連綿芳艸合來路渺難記幽香
惹行客處處欲停轡竹屋三四家鳴泉響蘋砌臨波亭

自好新筍大如臂窗櫺紅八扇花裏自開閉簫鼓知賽
神村厨爨煙膩

鴨谿行館

一巷黃鸝語多于雞犬聲酒邊人去住花裏徑縱橫
戎火上樓見山泉傍楊生居人最勤力月黑未歸耕
石壁塘道中

一程六十里昨午發蠻郡窮鄉不知途祇覺嶺奇峻坡
陀懸絕處十退乃九進人方驚失足頭上鳥飛迅敗葉
已隔年因風尚成陣輿夫行視地石削利如刃岐途仍
百出荒絕少人問冥濛山澗綠壓客肩宇濶一晌花氣
紅山村已知近

發半水塘

南原寡桃李桑樹圍成村桑葉尚未抽稍待春氣溫居
人數十家咸開臨水門無事遠汲勞清泉繞山根山厨
豁然開餘瀝傾瓦盆斜左一徑寬呼聲集雞豚溪屋復
數重遠颺簾幕痕已有白髮人樓頭曝朝暾
度虹安橋

分半溪聲作雨飄暗風時復響錫簫百重花路行初透
又踏春紅過小橋

短篷風捲落花多却趁春晴曝雨簑捉得鯉魚長一尺
小舟如葉旋回波

宿沙溪行館

依然下馬歷重檐宛轉房廊屈曲屏添得蠻中一句雨
屋頭山比去年青

風光都被亂雲遮水閣南頭路較賒看到小桃紅盡處
夕陽幾點着歸鴉

過三重堰上嶺

蠻方積煙霧日午氣始開梨桃搖天風引客上北臺衆
山西南趨中峯獨東回迤左削一厓俯瞰綠萬堆值此
春雨餘山泉響如雷飛旆過北林飢鳥已驚猜半道值
戍樓復有畫角催陰寒中人深屢剔衣上苔稍休下前
山呼童剪蒿萊

渡渭水橋晚抵牛場塘

厓東無暝色一谷李花明澗底水流響雲頭人語聲半
橋楊柳古獨徑鷺絲行正有衝寒意欣逢候火迎

黔西州解海棠一株大可半畝到日花正盛開喜而作
兩年心跡寄喬柯喜向花時整玉珂碧澗雨餘泉溜急
紅闌風定日華多山光著客濃于酒簾影隨雲逝若波
要與東皇再三約好留十日待重過

看牆外桃花

池臺斜占水波東無數繁枝壓砌紅醉裏似聞鶯燕語
桃花顏色稱春風

宿海棠庭院

牆頭香氣時飄忽騎馬入門絲雨歇春風亭外二分花

夜色簾前半規月梨桃杏李春事忙參差一畝橫海棠
三更窺徑花如活紅氣入窗蒸夢熟

自黔西州至新鋪道中

春陰何重重花外路如墨擡頭見鳴鳩咒雨一雙黑坡
陀過新鋪稍覺徑夷直高原三日雨千頃抽宿麥溪山
最雄奇大氣自闔闢森森松柏榦雲外挺怪特生苗饒
種類作屋厓畔匿年來厭追呼塞逕橫巨石居然判畦
畛遊騎停不得遙望一畝花沿波弄春色

寒食大定試院試威甯等三州童生竟日坐聽事作
日午臺前試袂衣柝聲清脆掩雙扉多應人氣蒸如雨
惹得梁禽觸紙飛

十五日薄暮作

枕上紅燭攤書看貂裘壓被防晚寒離居誰信是寒食
檐外風雨來無端登樓試眺山南北薄暝窗櫺已無色
萬點歸鴉何處棲冥濛壓得桃花黑

清明

三年寒食住三州

前年在安順去年在黎平並皆扁院試士

一樣攤書據案

頭春半雨多頻臘屐蠶中花好不登樓
倚門鶯燕時來

戲出谷烽煙昨已收

時得馮巡撫知會初二日在嶼腦剿殺逆苗二千餘人正大營道路

邇却笑青衿未知事漫思投筆佐軍籌

時有畢節附生熊瑤具呈欲移

送軍前効力余已諭却之

十七日晴使院後圃望遠

分半山城入畫中
炊煙都裊岸西東
房廊映水多時綠
衫袖承花一色紅
上冢船歸雅咒雨
築毬人去馬嘶風
年年桃塢春如許
辜負鄉園三兩叢
將抵西溪

欹斜石徑杳難通
來往輪蹄若蹈空
却好一村居谷底
纔烟開處萬花紅

冥濛曉露濕花心
欲到橋西路莫尋
三兩鷺絲明似雪
隔溪飛不破春陰

西溪汎卽事

蒼蒼山已深
淼淼流不止
無嫌鳥飛疾
撇浪魚若矢
稍休厓石上
四面聒流水
風勢聚一橋
驚看去雲駛
橋西

卹落好人語罷朝市紅白花萬堆中飛爨烟紫
重至黔西宿海棠庭院

闌干十二敞銀屏尤喜芳時此再經雙柳有情垂檻綠
萬山如夢壓簾青花邊惆悵尋前約葉底參差間曉星
依舊燕鶯飛不定可能重把夜窗倚

將抵鎮西衛

兩山離百步中挂一絕壁人攀厓樹上碎石傷馬膝穿
雲過溪澗飛露灑如雪高下千級田濛濛漾漾朝日房廊
臨水好雲向枕邊出茶樹花亦香迎人下山歇

偶寫荷花便面寄費方伯涪

小閣纔看暑雨過一拳奇石面層阿知君雅有鄉山念

爲寫錢唐一頃荷

端五日聞官兵捷音是日夏至

今年節候奇元夜立春節如何日長至復值端午日榴
花紅處排兩筵却值露布來東邊興酣邀客共劈牋饒
吹雅樂吟連篇官兵早破黃瓜砦賊勢愁亡柳木隘後
隊仍燒蘭艸坪前軍已逼花園界固知

廟算無遺策遠近花苗更輸力臺築三層號受降詩歌
六月勞還役主將翩翩善出奇搜牢應遣種無遺還憐
春夏行軍久倘念西南民力疲

自春及夏淫雨連綿倉池荷花十減六七感賦一篇近
柬馮侍郎光熊張兵備繼辛銅仁尼堪巴圖魯臬使

思州並寄姜兵備開陽甘肅

前年築臺面池水昨歲花放池臺前朋來喚我作花主
日日樓上開賓筵今年霖雨無停刻水綠衝臺臺欲缺
三層閣上無一人花亦悄然如惜別征東軍容盛如火
憶昨出城來別我殘荷隔歲尙數莖臘雪初看出梅朶
城頭一別經廿旬轉眼已值看花辰豈徒花色減疇昔
把酒苦憶花前人幾年愧作單車使不獲荷戈先戰士
昨日軍符又發兵蹙童捲甲東行駛此時花發不欲看
月裏閒却紅闌干已涼天氣纔幾日一任風雨搖無端
轉思萬里橋邊水多半樓臺雨中毀泉使署中荷花最盛今空暑半年間
接閣半傾花亦憔悴非昔兩地看花無一人寥寥壁上詩牋在藏春

塢北偶傍惶風急，猶聞遞遠香。莫更城東招小史，左官

先已抵伊涼。

請姜臬使開陽時，以事左遷平慶。兵備道小史郭卽卽姜所眷者。

何時一

輩重相聚，笑折花枝賦長句。屈指平苗露布來，主人亦欲辭花去。

平苗凱歌十章卽寄福康安公相行營

海宇年來慶謐甯，偶移旌節涖邊庭。鉤陳十二明如月，上相星聯上將星。

軍律嚴同細柳營，聲威先已懾蠻荆。橐鞬大將皆趨左，詔統川滇五路兵。

萬仞蒼厓一綫通，兜零火照馬頭紅。原知

廟算真無敵，先定黔中下楚中。

五姓花苗敢獠猖曾傳吳畢石雞娘烏羅地大如甌子
又見天兵下石梁

明史土司傳宣德五年石各野糾同石雞娘吳畢郎等擾亂銅仁亦會川

湖兵討平之

出險方看建鼓旗居然絳灌列偏裨前軍早報花連布
已解長圍入永綏

南出羅蒙北哨關十旬先定五溪蠻摩厓好壓中興頌
勒徧壺頭百尺山

閩外軍威敢自專

國恩重疊與傳宣勞來不用歌周雅六月王師已凱旋
黃旗植處許歸耕一半蚩氓慶更生神武聖仁原不殺
詔書先築受降城

五度殊方討不庭
凌烟圖上鬢猶青
酬庸此日原無兩
耀首新頒三眼翎

榴花紅徧四山梁
初度欣看日正長
十萬貔貅齊下拜
凱歌聲裡慶傳觴

楊兵備揆兩至黔
中皆不及見今得書
知又抵軍營寄
懷一首

我生遊跡殊通達
禹貢九州今歷八
雖然輪爾涉河源
遠度崑崙越哈察
東西南北五萬里
頭上翠翎風細戛
如拳大字如椽筆
先把天山石磨剗
銘功紀德字五千
高比浮屠七層剗
居然遠壓神邱頌
何日重煩墨工刷
丈夫志業真難量
一半貔貅歸統轄
昨來雪嶺今炎山

車不停輪况脂羣花門異種方稽顙五姓苗偏肆輕猾
盟陀斗絕隆棚險一半休誇地形北搜牢匝月肯暫停
山搏熊羆水擒獺滇黔楚蜀雖同勦神武聖仁非嗜殺
叔牙怪樹當山巔百歲根株一朝拔尙煩竒計參帷幄
頓使蠻方靖戈鋌讀君露布才益竒鬼膽先看破羅魑
甯知馬上殺賊手正復翩翩如俊鶻相思苦欲專人訊
道遠又愁泥滑滑重陰天氣發一棹霽雨應零入行札
聞銅仁日來復有賊警無辰水決城數丈馮侍郎光熊
率官弁晝夜堵禦寄懷一首

天乙虹梁暑雨交昨傳江水決城壕蠻中穰穰紅千頃
峽裏舟船綠半篙六月可能平板楯一軍聞尚駐松桃

蕭蕭白髮籌邊夜誰識馮唐志意勞

酷暑至蓮臺夜坐

六月六日天乍照窄袖葛衫猶苦暑連房早厭人語稠
却曳襪被來樓頭蓮臺三面波光漾一榻居然最清曠
漾漾桃樹月西斜烏影斜生紙窗上

自六月朔日移至蓮臺避暑聞兒子飴孫疾尙未愈書
示一首

經旬曾未涉南臺藥裹頻從禁滿開却笑兒曹未耽讀
燕弧纔去雁弧來

七夕陳大令熙藩邀集城南鳴玉山房卽席賦贈一首
感時青鬢欲如何初地聊從暇日過赤甲一軍爭渡久

時續調滇粵
兵甫過境
紫微雙樹得秋多
陳邱已保思
邛水劉秩
應咄曳落河
莫向尊前問
牛女早憑天
漢洗兵戈

中秋日曉望

城南未見烽煙歇
忘却秋中有佳節
陰寒霧雨迷一句
纔見清涼此宵月
烹葵剥棗飲不休
逸興且上城南樓
忽然黃葉下如鳥
笑過三歲蠻中秋

秋海棠

一種嬌無那
新涼小院東
葉猶棲敗蝶根
已泣秋蟲艷
色偏嗟晚酸心
孰與同昨宵
鄉夢破露冷一庭空

中秋夜坐

上弦及初圓
一夜輒三起
連廊南北抱
鞍履行未已
關

千嫌露重空處聊徙倚衫袖葉葉風斜穿竹華裏樓臺
萬家夢燭影沉不起簷瓦弄月光空明忽如洗簾櫳中
外徹暗牖不須啓照水水亦空魚鱗逗波底蠻鄉三載
住良夜能有幾握管欲賦詩朝曦墮林尾

乙卯貴州揭曉會城書院生徒獲雋者二十七人回途
率成五百字志喜全用十四緝韻卽呈吳烜陳希曾
兩主試及許刺史學范諸同考

前年使者來冬仲月初拾奉

命宣化條窮經事尤急周行十三府日或不暇給苴蘭
及毋歛巨古屬蠻邑山坳嵌城郭俯視類蟲蟄無旬不
淫雨萬古地卑濕蠻生羸識字書不入手笈刪除到筆

硯所事者簑笠間歲試學官泥塗甫衣褶低眉對文卷
窘若遭縛縶四聲踈不講顛倒出篇什化俗具苦心庠
宮飭修葺陳書數十篋云以待溫習兼疏聲韻譜潤此
舌本澁我我講堂開一善皆引汲經旬輒分俸俾得備
糧粒行之勤不懈多士志方輯貴山儲人才兩歲雋及
卅謂貴山書院生徒甲乙兩科中式者至四十餘人方忻讀書效私自理囊裏
昨歌鹿鳴來城府已屬集然聞聘同考頗復論階級方賀
伯代監臨試考官以朱經歷朱雲名不預執卷每鳴唱
龍藻文爲第一然不預內簾朱雲名不預執卷每鳴唱
朱鐫其擬墨關門逢月朔雨霽路微曠監司迫州縣一
一連騎入堂深更倚鑰門外植雙鋤朱墨卷二千兩吏
相對執名皆抗聲唱得失判呼吸挨排附欄楯頭上墨

淋汁聞書五經魁千百燭光煜紅箋名在手咸擬破鍵
宸白屋士較多屢聲沸如凜我行然炬返欣此輿論翁
酬

恩願羸了行且具舟楫三年飽看山大峘小者岷籠南
箐東北靡險不搜緝誰云鬼方惡直欲勝宣歙麻衣三
百輩門外時鵲立諠諠戒勤學士行尚謙挹紅苗前蠹
動論此嘗悵悵昨聞大芟勦不日兵可戢高低萬山田
耕者看侶侶頻年仍大有喜氣溢原隰持衡兩君子公
望庶諧諠筵排多士卷一一蒙訪及庶幾能相馬拔十
真得十翩然召陵許文不尚沿襲前時鎖廳見贈子先
一揖掄材盡如此願爲執羈馵談深嫌夜短時復飯薤

皂只惜北郭生猶然向隅泣

時諸生中知名者惟賀世清獨不售賀居北郭故云

十九日獨酌偶成

是日家累南回

不覺蕭蕭雨風聲徹戶涼又添新別恨獨對古重陽石鏡花千朶琴臺酒一觴遙憐車騎遠凝睇此高岡

徐太守曰紀屬題桐廬申屠氏宗譜中山水畫冊八幅雙婆澳

嶺頭時有窄徑江口皆通小河鄭姥宅連杜姥陳婆溪繞楊婆

兩坂邨

爭傳上坂下坂邨界前村後村漁網陰邊小市稻香深

處衡門

黃山

名擬三天子嶂秀參五老人峯莫訝山田龜坼時瞻雲
氣如龍

范井

家移浙水平壤里本陳留外黃辨香我憶傭叟汲井人
傳壻鄉譜云申屠氏自漢代遷居富陽之鼎山及宋時
有贅于范氏者又移居荻浦爲井卽范氏之舊也

慈濟寺

紅雲高閣初啓白鴿春田四飛待得孤僧入定鐘聲穿
出松扉

荻花溪

高低山合村塢南北江連渚沙消受九秋明月輸他千頃蘆花

鷄頭峯

欲賽社翁社姥相邀漁弟漁兄鷄頭峯頂晨雪鴨嘴船邊夜明

松濤浦

閣外蒼苔一片門前碧水三篙居屋不殊居艇松濤遠接江濤

屠二紳自尋甸州守擢判廣南道過貴陽留飲三日醉後賦贈

依綠亭邊識君日三十年來五回別一回握別一傾倒

我越壯年君未老天憐狂客愛遠遊遠宦皆出天南頭
君行斗大得一州我亦持節來邊郵囊空衣敝官初改
厯盡蠻山飲炎海北來驛使遞一箋驟閱反疑君左遷
人言宦廣勝宦滇俸入乃逾十萬錢平原坐上多良友
比日談君不容口忽然一客來款門矯首徑入無寒溫
旁人驚看僕夫笑三寸麈尾猶在帽卸裘先約欲促裘
爲爾南去程途長秋花黃處頻高會一日爲謀兩回醉
朋來尚未悉姓名脫口遽已聞歌聲我行一一爲分析
故態狂奴總如昔不爾先防欲逃席昨日醉外臺今日
醉縣中歌盡百曲傾千鐘新交有嵇陳舊交憶孫趙鄉
語連翩述難了君不見少歲警我去幸有少歲交紅闌

百尺挂酒瓢恍若醉我城北之山橋山橋邊卽鄉社我
距君家不三舍何日同歸醉橋下

喜代人將至率賦六詩留以志別并貽新學使談戶部

祖綬

我饒山水癖乃官山水鄉黎平及都勻靈秀之所藏大
山何峩峩長川亦洋洋五嶽四瀆外得此庶韻頗間歲
輒一遊奇蹤匹翺翔靈氣歸筆端奇矯得未嘗詩文及
千篇藉以歷客裘仲冬當北征念之尚傍徨約客頻出
遊時時陟高岡西郊松竹幽南郭蘭杜芳作詩別山靈
此景殊難忘

東從相見坡西去亦資孔茫茫三十驛鎮遠迄南籠疲

氓居要道百事實倥偬民夫徵不足按剔到蠻洞負擔
行萬山心傷足俱腫衙胥不之卹而復相驚恐我

朝恩澤厚域外悉帡幪況茲梁楚界大吏所控總所期
仁及物役不到繁冗公廉率其下守宰自惶悚昨來馳
尺一荒戶給田種軍行所過郡秋不賦秸穗愚民縱無
知戴德已山重東南傳露布艸野悉躍踊聞宣寬大
詔却立手俱拱花苗旣輸誠更勿輕煽動

雲山殊戀別忽作兩月晴

自八月十四日至此兩月並無大風雨土人云爲數十

耕斄清晨來閣中霞采東南明連岡何蒼蒼修林亦英
英機事庶久忘物亦諒此情伴我日讀書不覺寒暑更
謝者尚未謝生者日以生愛此三載中川海爲聲新

篁手所裁亦樂觀其成

牂柯及夜郎古乃列益部今茲十三州夔郢實門戶津
船通列貨問亦雜書賈流傳坊市本十竟不登五刪除
到羣經擢髮罪難數我行按左塾見此赫然怒嗟嗟蠻
嶠土化久隔鄒魯開篋出六經仍疏四聲譜口陳兼手
畫聽者若環堵精微難遽悉冀或得其蘊餘閒陳列史
俾得究今古憶昨按部回書聲滿堂廡紛然陳藝暇署
亦通訓詁明明尹荊州庶思能步武後漢書西南夷傳
按南許慎應奉受經書圖緯學成還鄉里教
授常璩華陽國志尹珍州人官荊州刺史
此方雖蠻方楚蜀粵上游延江及沅江其源一何修沉
埋唐宋問地志苦不收前年使者來一一窮險幽暨水

旣合溫黔江亦通浩盤南鎖鐵橋勻左剗木舟我行皆
乘之徧歷十二州維銅仁府寄考鎮馬上作一書分此
楚蜀流芟除土俗名不使混固彪庶以示後來不貽茲
士羞

香榭南北廊修竹東西徑紅雲樓百仞白藕花千柄茲
廬最閑適旁榭亦幽靚豈茲崇土木藉以適身性昨者
偶讀書欣聞有除

命前旌臨沅水當遣騶從迎周閭更修飾砌石拭如鏡
雖爲居者計客暫寄歌詠分番扶美植惡木久除屏以
此屢勉心庶幾貽後政

同里諸君子邀集蘇參軍鳳池廨舍餞別卽席賦贈一

首

逶迤徑折入琅玕蠻府參軍廨宇寬已覺朔風傷謝眺
不妨微雨過蘇端羣公雅稱芙蓉幕一老曾餐苜蓿盤
聞徐太守曰拚得花前幾回醉馬蹄應又踏長安